

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangsijh Minzcuz Bause

Geiz neix 8 banj

广西民族报

Aenhauhokbanj: CN45-0036

B.2022

Nd.12

Ng.28

Liggaeuq

nvaemzvinz nienz ndwenlab coloeg

Geizsoq: Gungh daih 3554 geiz

Liuz Ningz Youq Gveilinz Diuyenz Binghraq Fuengzhaed Caeuq Gwzmingz Lizsij Vwnzva Gohyoz Cingcinj Guh Ndei Gak Hangh Banhfap Fuengzhaed Binghraq Henhoh Sengmingh Ancienz Caeuq Yinzminz Ndangcangq Liux Bae

刘宁在桂林就疫情防控和红色历史文化进行调研

科学精准实施好优化疫情防控各项措施
最大程度保护人民生命安全和身体健康

12 nyied 24 hauh daengz 25 hauh, Swcigih Dangiveij suhgi, Swcigih Yinzda Cangzveijvei cujyin, Swcigih Binghraq Bwtndat Fuengzhaed Cijveihbu cijveihcangj Liuz Ningz bae daengz Gveilinz Si Bingzloz Yen, Hingh'anh Yen, diuyenz binghraq fuengzhaed caeuq gwzmingz lizsij vwnzva.

Liuz Nningz vixok, binghraq bwtndat fat bingh gvaqdaej, youq aen Dangicunghyangh aeu Siz Ginbingz dungzci guh chehim akrem lingjdauj lajde, daengx guek yinzminz ginggvaq gaenh sam bi seizgan haenqrengz, wngqdoiq ndei binghraq cungdongj, daengxbuenz maeuzveh binghraq fuengzhaed caeuq ginghci sevei fazcanj aeu ndaej cwngzgoj hungnaek. Aen Dangicunghyangh aeu Siz Ginbingz dungzci guh chehim gaemguenj daengxbuenz, liujgaj seizseiq,

cunghab naemjngeix aumizgwzyungz binghdoeg daegdiemj, vunz dwk yimauz haemq lai, binghraq fuengzhaed gingniemh cwkomz, binghraq fuengzhaed naengzlig daezsang daengj cingzgvang, ciuq seizseiq gohyoz gajindei diuzcwngj gij guhfap fuengzhaed binghraq, dwg bietaeu, cinjdeng, fucwz ne.

Raeuz aeu haeujlaeg bae guh gij ciji cingsaenz youqgaenj gvendaengz hong fuengzhaed binghraq Siz Ginbingz cungjsuhgi, swhsiengj caeuq hengzdoengh cungj aeu doengjit daengz gwnz gietdingh bouhloh Dangicunghyangh, ciuq aen Hoih Densi Denva Hong Fuengzhaed Binghraq Bwtndat Daengx Guek baijbouh iugouz, genhcieh seizseiz cuengq yinzminz youq vih daih'it, sengmingh youq vih daih'it, baijciz cungj cwzyinganj "seizseiz cuengqsim

mbouj roengz", guh ndei guh saed "cib diuz moq" caeuq gij guhfap swcigih gajindei binghraq bwtndat fuengzhaed, mboujduenh daezsang mboengq moq fuengzhaed binghraq bwtndat engq gohyoz engq cingcinj engq mizyauq, haenqrengz bauj ndangcangq, fuengz binghnaek, henhoh sengmingh ancienz caeuq yinzminz ndangcangq liux bae, hawj binghraq doiq ginghci sevei fazcanj yingyangj cei noix. Liuz Ningz youq diuyenz seiz giengzdiuh, dangqnaej, gih raeuz binghraq hingzseiq bingzonj, yawjbingh ywbingh fugsah yinhhengz bouhloh mbouj luenh, hoeng yenzdan, ndwencieng couh yaek daengz, hong fuengz binghraq bauj ndangcangq, fuengz binghnaek gig dwgrengz. Aeu gyagiengz daengxbuenz lienzhaeh doxiep, cawjdoengh guhhong, hen hawj sevei cizi onjdingh.

Liuz Ningz doiq gak gaep lingjdauj ganbu daezok iugouz.

Liuz Ningz baedaengz Lauj-sanhgai diegyouq Hingh'anh Yen haenx, sijsaeq liujgaj lizsij saehsaed Sienghgyangh Canyiz, gwzming lizsij vwnzva baujhoh cienzswnj mizgven cingzgvang, giengzdiuh aeu haeujlaeg bae guh gij ciji cingsaenz youqgaenj Siz Ginbingz cungjsuhgi, daj ndaw Sienghgyangh Canyiz supaeu ligliengh caiq baenaj, youq mboengq moq fuengzhaed binghraq, giendingh saenqsim, caezsim caezhoz, ngaem gyaeuj buekguh, haenqrengz bae guh, ok rengz lai lai cauhaeb aen Gvangjsih gyaeunde, vih cienzmienh cauhaeb sevei cuji yendaiva guekgya, cienzmienh doicaenh Cunghvaz Minzcuz fukhwng hungmbwk bae ok gij rengz Guengjsae raeuz.

(bonj bauq cunghab siusik)

Vanzgyangh: Vahdoj Cienz Sing Dangj Lwnhgangj Haeuj Sim Vunz

环江：乡音传“党声” 宣讲入民心



12 nyied 20 hauh, Vanzgyangh Mauznanzcuz Swciyen Gijveij Genhvej baedaengz Yananz Yangh Cunghnanz Cunh lwnhgangj cingsaen Ngeihcib Daih Dangj raeuz. Cienz lwnhgangj neix dwg aeu Vahmauznanz lwnhgangj, doengsug heihrox, Mauznanzcuz ginzcung gig maij.

Ngeihcib Daih Dangj raeuz hai sat le, Vanzgyangh Gijveij Genhvej leihyungj gijgenj genhcaz ganbu rox gangj vah saujsu minzcuz dangdieg aen ndeicawq neix, cauhaeb aen duenz lwnhgangj "song vah" ndeu, bae daengz lajmbanj gyaeujreih, aeu Vahmauznanz, Vahcuengh, Vahgun dangdieg daengj, lwnhgangj gij cingsaenz Ngeihcib Daih Dangj raeuz, hawj gij cingsaenz Ngeihcib Daih Dangj raeuz roengz daengz lajmbanj, haeuj sim ginzcung bae, hawj ginzcung dingq ndaej rox, rox bae guh.

(Veiz Yui/韦睿)